



Instrucción: 02/2014	Data: marzo de 2014
----------------------	---------------------

Instrucción: Actualización pauta de vacinación fronte ao virus do papiloma humano (VPH)

Orixé: Dirección Xeral de Innovación e Xestión da Saúde Pública / Dirección Xeral de Asistencia Sanitaria

Destino: centros de saúde / hospitais públicos / centros de especialidades / hospitais e centros médicos privados / centros penitenciarios / xefaturas territoriais da Consellería de Sanidade / xerencias do Servizo Galego de Saúde

Inicio: 1 de abril de 2014

Localización: esta instrución pode ser consultada na páxina web da Dirección Xeral de Innovación e Xestión da Saúde Pública:

<http://dxsp.sergas.es>

(en: áreas de traballo / enfermedades transmisibles / vacinas / vacinación infantil/ calendario oficial actual 2014)



INSTRUCCIÓN SOBRE A ACTUALIZACIÓN DA PAUTA DE VACINACIÓN FRONTE AO VIRUS DO PAPILOMA HUMANO (VPH)

INTRODUCCIÓN

Os programas de vacinación están suxeitos a unha avaliación continua co fin de incorporarles aqueles cambios ou modificacións que permitan a súa mellora. Neste sentido a Comisión de Saúde Pública do Consello Interterritorial, na reunión de novembro de 2013, aprobou algúns cambios no calendario de vacinacións infantil, que, tras consulta coa Comisión asesora de Enfermidades Inmunoprevisibles, xa foron incorporados ao calendario galego (DOG, 23 de decembro de 2013).

Nesta instrucción actualízase a pauta utilizada no calendario de vacinación infantil da nosa comunidade fronte ao virus do papiloma humano.

O pasado mes de decembro a Axencia Europea do Medicamento (EMA) autorizou, á vacina Cervarix™, un esquema de vacinación de dúas doses en rapazas de 9 a 14 anos de idade, pauta que tamén está aprobada pola Axencia Española do Medicamento e recollida na ficha técnica desa vacina.

Esta modificación diminuíndo o número de doses na pauta de vacinación baséase nos resultados de dous ensaios clínicos, o HPV 048 e o HPV 070, que avaliaron tanto a inmunoxenicidade como a seguridade desta pauta con dúas doses. Os resultados destes dous ensaios foron consistentes e demostraron que dúas doses desta vacina, en nenas de 9 a 14 anos, son comparables á administración de tres doses en mulleres entre 15 e 25 anos. Estes resultados foron observados non só para os tipos de VPH 16 e 18 (incluídos na vacina) senón tamén para o 31 e 45.

Esta pauta de dúas doses só está indicada para rapazas entre 9 e 14 anos, manténdose o esquema de tres doses para as mulleres maiores de 15 anos segundo ficha técnica.

Caso de ser necesaria información más amplia, e para asegurar a boa práctica profesional, esta pode atoparse na ficha técnica do propio produto.



ACTUALIZACIÓN DA PAUTA DE VACINACIÓN FRONTE AO VIRUS DO PAPILOMA HUMANO (coa vacina CERVARIX™)

- Esquema de vacinación rutineira fronte ao VPH en rapazas que inicien vacinación segundo calendario aos 14 anos.

Doses	Idade
1ª dose	14 anos
2ª dose	Aos 6 meses da dose primeira

- Esquema de vacinación fronte ao VPH en rapazas que xa iniciaron vacinación
 - As que teñan iniciada a vacinación coa primeira dose adaptaranse á nova pauta co esquema de dúas doses 0/6 meses.
 - As que xa teñen posta a segunda dose antes dos 5 meses trala primeira deben manter a pauta de 3 doses.
- É moi importante ter en conta que esta pauta de 2 doses debe administrarse antes dos 15 anos (vacinación aos 14 no calendario). No caso particular de que dita vacinación se retrase e esta se inicie a partir dos 15 anos, a pauta de vacinación será de 3 doses.

NESTE MOMENTO ESTE ESQUEMA DE VACINACIÓN SÓ PODE SER UTILIZADO NO CASO DA VACINA CERVARIX™

Santiago de Compostela, 12 de marzo de 2014

A directora xeral de Innovación e Xestión da Saúde Pública



Sonia Martínez Arca

O director de Asistencia Sanitaria do Servizo Galego de Saúde



Félix Rubial Bernárdez

